



Tente på Hjartevenn: Hilde, Sander, Celine, Åshild Johanne og Helena

**Hilde Bringedal, lærar i den største klassa ved skulen vår, har hatt ideen til eit pionerprosjekt som heiter Hjartevennn. Det går ut på at to av dei 24 elevane i andreklassa er hjartevenner kvar veke. Som hjartevenn skal ein hjelpe nokon andre i klassa som treng det, vera i lag med den andre hjartevennen og finna på noko kjekt til heile klassen**

- Vi har eit fint miljø i klassen, men det kan bli enda betre.

Det er mange elevar og dei kan og bør vera enda meir i lag, også utanfor skulen.

La oss kalla dette prosjektet førebyggjande, seier iderike Hilde som har god hjelp av kollega Brit Hjetland med gjennomføringa av Hjartevenn. Prosjektet er no inne i veke nummer 4.

- Og kva kan elevane gjera i praksis?

- Dei kan vera ekstra observante og bistå andre elevar både inne og ute - til dømes med å bera ting og hjelpe når nokon slår seg. Og så kan dei altså finna på noko kjekt saman og også for heile klassen, seier Hilde.

Eit par som har vore hjartevenner i ei tidlegare veke er med oss

- det er Sander Andreas Øye Eikenes (7) og Helena Kjerpeseth (7) Sander fortel at han og hjartevennen også var saman heime hos han og mellom anna baka kake, leikte og såg på TV.

Denne veka er det Celine Musland (7) og Åshild Johanne Vivelid (7) som er hjartevenner og også dei har mellom anna planar om eit bakeprosjekt, som tydelegvis er noko av det mest populære.

Elevane er tydeleg tente på opplegget og gler seg til å gå inn i det. Det skortar ikkje på planar: Leik i hallen, taco, grilling, film og meir kakebaking (gjerne i hjarteform) blir ramsa opp i idedugnaden Turer i naturen høyrer vi ikkje noko om men det kjem nok etter kvart.

Tekst og foto: Ola Matti Mathisen



Dei er hekta på Hjartevonn!